

Inatsisisatut siunnersummut nassuaatit

Nassuaatit nalinginnaasut

1. Aallaqqasiut

Inatsisisatut inatsisiaanni ilaatigut § 6-ip kalaallisoortaata qallunaatoortaatalu imminnut naapertuuttunngortinnissaat ilaatigullu aalajangersakkap imarisaasa erseqqissarnissaat siunnersummi siunertarineqarput.

Aalajangersakkap qallunaatoortaani inuup maannakkorpiaq aningaasarsiai 10 procentimik tassangaluunniit annertunerusumik allannguiteqartussatut ilimagineqarpata, pineqartumut maannakkorpiaq aningaasarsiat aningaasarsiassatut tamakkiisutut ilimagineqartut tunuliaqutaralugit naatsorsorneqassasut allassimavoq, aalajangersakkalli kalaallisoortaani aningaasarsiat 5 procentimik allannguinnartulli naatsorsuisoqartassasoq allassimalluni.

Aalajangersakkap atuutsinneqarnera siunertaralugu maannakkorpiaq aningaasarsiat 5 procentimik tassanngaluunniit annertunerusumik allannguiteqarneranni, aningaasarsiassatut naatsorsuutigisat naatsorsoqqinnejartassasut Aningaasaqarnermut Naalakkersuisoqarfiup tunngavagineqartussanngortippaa.

Aningaasarsiat aalangiinermut tunngavagineqartut ukiup aningaasarsiorfiusup iluani annertuumik allannguiteqartarneri aalajangersakkami pineqarpoq. Tamanna assersuutigalugu ilinniagaqartup ilinniakkaminik naammassinnilluni aalajangersimasumik suliffeqalertarnerani, imaluunniit sulisartup soraarninngornissani siunertaralugu siliunnaarnerani, imaluunniit pineqartoq napparsimanini tassanngaannartumilluunniit ajoquernini pissutigalugu piffissami sivikitsumi sivisuumiluunniit sulisinnaajunnaarnerani pisinnaavoq.

Innuttaasup imaluunniit illoqataasup maannakkorpiaq aningaasarsiai ukiup isertitaqarfiusup sinnerani Inatsisisatut inatsisiaanni procentimik allaasimasumik tassanngaluunniit annertunerusumik allannguiteqassasoq ilimagineqarpat, oqartussat aningaasarsiassatut ilimagineqartumik naatsorsueqqissapput. Naatsorsueqqinnej innuttaasup oqartussalluunniit suliniuteqarnerisigut pissaaq. Maannakkorpiaq aningaasarsiat allanngornerata innuttaasup utoqqalinermi pensionisiaasa, siusinaartumik pensionisiaasa, ineqarnermut tapiissutisiaasa il. il. . apparneqarneri qaffanneqarneriluunniit nassatarissavai.

Malittarisassat atuuttut naapertorlugit inuup maannakkorpiaq aningaasarsiaani allannguutissatut naatsorsuutigineqartut tassaapput, aningaasarsiat naatsorsoqqinnejarnissaannut aalajangiisussat. Pisut ilaanni pisortat ikorsiissutaat inoqutigiit tamarmik maannakkorpiaq aningaasarsiai tunngavigalugit tunniunneqartarput. Tamanna assersuutigalugu atuuppoq ineqarnermut tapiissutinut. Inoqutigiinni ataaseq ass. 50.000 kr.-

nik aningaasarsiaqarpat, allalu 150.000 kr.-nik aningaasarsiaqarluni, siulliup taaneqartup aningaasarsiaani 2.500 kr.-nik imaluunniit annerusumik qaffariarnerup appiararnerulluunniit pineqartup maannakkorpiaq aningaasarsiaani naatsorsueqqittariaqarnermik inerneqassaaq, tamatumalu inernerisinnaavaa inoqutigiit tapiissutit pissartagaasa allanngorteqqinnejnarneranik. Inuup aappaata aningaasarsiai 7.500 kr.-inik amerlanernilluunniit allanngussapput, malittarisassat atuuttut naapertorlugit pineqartup maannakkorpiaq aningaasarsiaanik naatsorsueqqittoqassappat. Suliani tapiissutit inoqutigiit aningaasarsiaat assigisaalluunniit tunngavigalugit tunniunneqartartuni assigiinngissuseq tamanna paariinnassallugu pitsasumik tunngavissaqarpasinngilaq. Tamanna iluarsineqarsinnaavoq aalajangersakkap allanngortinneratigut, taamaasilluni tapiissutit tunniunneqarnerini aningaasarsianut tunngavigineqartunut innersuussisoqarnikkut.

Innuttaasut oqartussallu soqutigisaat eqqarsaatigalugit, 5 procentimik procentiliisoqarnissaa siunnersuutigineqarpoq. Ataatsimut isigalugu inuttaasoq oqartussaasulluunniit ikorsiissutit tunniunneqartut annertullaamik allanngortarnissaat soqutigisarinngilaat.

2. Siunnersuutip imarisai pingaарнерит

Aningaasarsiai ukiup isertitaqarfiusup sinnerani 5 procentimik tassanngaluunniit annertunerusumik allannguuteqarnissaat ilimagineqarpat, maannakkorpiaq aningaasarsiassatut ilimagineqartut naatsorsoqqinnejqartassasut ataatsimut isigalugu siunnersuutigineqarpoq. Maannakkorpiaq aningaasarsiat qaffannissaat apparnissaalluunniit ilimagineqarnerat apeqquatainnagu naatsorsueqqinnerit pisassapput.

Aalajangersakkut aalajangersakkap kalaallisuuani qallunaatuuanilu assigiinngissut atorunnaarsinneqarpoq, soorlutaaq ukiup isertitaqarfiusup sinnerani isertikkumaagassatut naatsorsuutigineqartoq siunniunneqassasoq.

Ilanngullugu siunnersuutigineqarpoq, tapiissutit tunniunneqarneranni aningaasarsiat tunngavigineqartut allanngorneranni, maannakkorpiaq aningaasarsianik naatsorsueqqittoqarsinnaasoq. Tamatumani tapiissutinik pineqartunik tunniussinermi (naatsorsuinermi) kingullermi aalajangiisoqarmat atuuttuni tunngavigineqartuni maannakkorpiaq aningaasarsiat 5 procentimik annertunerusumilluunniit allanngussasut naatsorsuutigineqarpata naatsorsueqqittoqassaaq. Immikkoortuni, inoqutigiit maannakkorpiaq aningaasarsiai aallaavigalugit tapiissutinik tunniussisarfiusuni il. il., inoqutigiit maannakkorpiaq aningaasarsiai 5 procentimik annertunerusumilluunniit allanngorpata naatsorsueqqittoqassaaq. Immikkoortuni, inuup pineqartup maannakkorpiaq aningaasarsiai aallaavigalugit tapiissutinik tunniussisarfiusuni il. il., inuup maannakkorpiaq aningaasarsiai 5 procentimik annertunerusumilluunniit allanngorpata naatsorsueqqittoqassaaq.

Inatsisissatut siunnersuutip inatsimmut maanna atuuttumut sanillersuunnera	
<i>Oqaasertaliussat maanna atuuttut</i>	<i>Inatsisissatut siunnersuut</i>
	§ 1
	<p>Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni nr. 9, 1. juni 2017- imeersumi tulliuttut allanngortinneqassapput:</p> <p>§ 6. Inuup maannakkorpiaq aningaasarsiaasa 5 procentimik tassangaluunniit anginerusumik allannguuteqarnissaat naatsorsuutigineqarpat, maannakkorpiaq atingaasarsiat maannakkorpiaq atingaasarsiassatut naatsorsuutigisat tamarmiusut tunngavigalugit naatsorsorneqassapput.</p>
	<p>” § 6. Maannakkorpiaq aningaasarsiat atingaasarsianut, aalajangiinermut tunngavigineqartunut naleeqiullugit uuttorneqartunut ukiup isertitaqarfiusup sinnerani 5 procentimik tassangaluunniit annertunerusumik allannguuteqartussatut ilimagineqarpata, aningaasarsiassatut ilimagineqartut tunuliaqtalaralugit naatsorsorneqassapput.”</p>

3. Aningasaqarnikkut allaffissornikkullu pisortanut sunniutissat

Sipaarutaasinnaasut aningaasartuutaanerusunit illuatungilerneqarnissaannik ilimagisaqarneq patsisigalugu, siunnersuut pisortanut killilimmik aningaasatigut kinguneqassangatinneqarpoq.

Siunnersuut pisortatut oqartussaasunut annikitsumik allaffissornermi suliassanik annikillisisussatut ilimagineqarpoq, naatsorsueqqittarnerimmi ikinnerulissammata, naatsorseqqinnerit taamaallaat siusinnerusukkut aalajangiinermi maannakkorpiaq aningaasarsiat tunngavigineqartut allanngoraangata pisarnissaannut nuuttoqarpat. Assersuutigalugu immikkoortuni, inoqutigiit maannakkorpiaq aningaasarsiai taamaattumillu inoqutigiit ataatsimut aningaasarsiai allanngorsimappata tunngavigalugit aalajangiiffiusartuni, naatsorsueqqittarnerit ikileriassapput.

4. Inuussutissarsiutinik ingerlataqartunut aningaasatigut allaffissornikkullu sunniutissai

Siunnersuut namminersorlutik inuussutissarsiortunut allaffissornikkut aningaasatigullu kinguneqassanngilaq.

5. Avatangiisinut, pinngortitamut inuillu peqqissusiannut sunniutissai

Siunnersuut avatangiisinut, pinngortitamut innuttaasulluunniit peqqissusaannut sunniuteqassanngilaq.

6. Innuttaasunut sunniutissai

Innuttaasut ilaannut inoqutigiinni maannakkorpiaq aningaasarsiat 5 procentimik annertunerusumilluunniit allannguuteqarpata naatsorsueqqinnissamik piumasaqaat aatsaat pisassaaq, tamannalu aningasaqarnikkut iluaquataassaaq, tassami inoqutigiit ataatsimut aningaasarsiaat 5 procentimik annertunerusumilluunniit qaffareerpat

naatsorsueqqittooqassammat. Tamatumma pineqartup isumaginninnikkut ikorsiissutit apparsinnaanerannik aarlerissuteqarnera annikillisissavaa.

Innuttaasunut allanut taakkununnga maannakkorpiaq aningaasarsiaminni appariartoqarnerani, inoqutigiit ataaatsimut maannakkorpiaq aningaasarsiaanni 5 procentimik annertunerusumilluunniit appariarsimannginnerat pissutigalugu naatsorsueqqittooqannginneratigut siunnersuut aningasaqarnikkut akornutaasinnaavoq.

Siunnersuut innutaasunut allaffissornikkut kinguneqassangatinneqanngilaq.

7. Sunniutissai pingaarutillit allat

Siunnersuut allatigut kinguneqassangatinneqanngilaq.

8. Oqartussaasunik kattuffinnillu il. il. tusarniaaneq

Siunnersuut piffissami 25. septemberimit 2. november 2018-imi Namminersorlutik Oqartussani naalakkersuisoqarfinnut tamanut, Sulisitsisunut, SIK-mut NUSUKA-mut kiisalu kommuninut tallimanut tusarniutigineqarpoq.

Aammattaaq siunnersuutit piffissami tassani www.naalakkersuisut.gl ataani tusarniaavimmi tamanut takusassanngorlugu saqqumiunneqarpoq.

Piffissap tusarniaaviusup qaangiunnerani tusarniaanermi akissutit makkuninngaaneersut tiguneqarput: Isumaginninnermut Inatsisinillu Atuutsitsinermut Naalakkersuisoqarfik (IIAN), Sulisitsut, SIK, Inuussutissarsiornermut Nukissiuuteqarnermullu Naalakkersuisoqarfik, Aatsitassanut Suliffeqarnermut Nunamullu Naamminermut Naalakkersuisoqarfik, Peqqissutsimut Ilisimatusarnermullu Naalakkersuisoqarfik aamma Ineqarnermut Attaveqaqatigiinnermullu Naalakkersuisoqarfik.

Oqaaseqaatit tiguneqartut tulliuttuni nalinginnaasumik allanneqarput, Naalakkersuisullu oqaaseqaataat *uingasunik* allanneqarlutik.

IIAN-ip oqaatigaa, maannakkorpiaq aningaasarsianut ikaarsaariarnermut atatillugu suliad nammatassat annertoorujussuit kommunit malinnaaffiginissaat ajornakusoortitorujussuugaat.

Naleqquutuussaaq maluginiassallugu, pissutsit taakku kommunip oqaaseqarfigisimanngimmagit. Isumaginninnermi aningaasartuutitigut sipaaruteqarfigineqarnerup saniatigut malittarisassat nutaat nassataraat aningaasarsiat akileraarutaasussat ukiut marluk tikillugit pisogaassusillit tunngavigalugit isumaginninnermi tapiissutit tunniunneqartarunnaarmata. Taamaalillunilu malittarisassat nutaat pitsaaqtaat tamarmiusut kommunit annertunerusumik suliakkerneqarsinnaanerannit annertunerusorinarpit.

IIAN-ip siunnersuutigaa, oqaasertaliorneq ”ukiup aningaasarsiaqarfiup sinnera” peerneqassasoq, missingiut taama ittoq innuttaasut peqatigalugit ingerlanneqartariaqarmat.

Maannakkorpiaq aningaasarsianik naatsorsuineq automatiskimik ingerlasarpoq. Qaammatit kingullit 12-it aningaasarsiimasat aallaavigalugit IT-kkut aaqqissuussaanerup ukiumi aningaasarsiaqarfimmi qaammatini sinneruttuni aningaasarsiassatut naatsorsuutigisat missingersortarpai. Taamaasilluni siunissami aningaasarsiassatut naatsorsuutigisat, isumaginninnikkut tapiissutinik tunniussinermut aalajangiisuussapput. Innuttaasup aamma oqartussaasut suliani aalajangersimasuni automatiskimik missingersuutit apeqqusersinnaavai, oqartussaasullu assersuutigalugu innuttaasup saaffiginnereernerani, automatiskimik missingersuutit qularnartuusut tunngavilersukkamik pissutissaqartoq isumaqarpat, oqartussaasup nammineq missingersuutiminik tamanna taarsersinnaavaa.

Marlunnik peqqutissaqarpoq kingumut isiginissamut taarsiullugu siumut isiginissamut. Siullertut naleqqunneruvoq isumaginninnikkut tapiissutit innuttaasut aningaasarsiassaannut naatsorsuutigisat tunngavagalugit tunniunneqartarnissaat. Taamaasillutik tapiissutit ilimanarerusumik innuttaasup piffissami, innuttaasup aningaasarsiaminik tigusiffimmini aningaasarsiaviinut naleqqunnerussammata. Aappaattut IIAN-ip siunnersuutaa suliarpassuarnik pilersitsissaaq, isumaginninnikkut tapiissutinik akilerneqareersimasunik allanngortitsinissamut, tapiissutini akiliinermi tunngaviusunit aningaasarsiat sinnerlugit amigartumilluunniit nikingasimappata.

IIAN-ip inassutigaa, allakkami erseqqissarneqassasoq maannakkorpiaq aningaasarsiat tunngavimmit sumit allanngussasut.

Siunnersuut ilanngunneqarpoq.

IIAN-ip siunnersuutigaa, maannakkorpiaq aningaasarsianik naatsorsueqqittarnermut malittarisassat allangortinneqassasut, taamaasilluni isumaginninnermi tapiissutit tunniunneqarneranni naatsorsuinermi tunngavik tunngavigneqassalluni. Tamatuma malittarisassat pisariillisissavai, naatsorsueqqinnerit ass. inoqutigiit pineqarneranni, ataatsimut naatsorsuinermi tunngavinni kiisalu ilaannakumik annertussuseqanngitsumi aningaasarsiani allannguisoqarnerani tunngaveqartumik pisuni.

Siunnersuut ilanngunneqarpoq. Tamatumunga ilassutitut siunnersuutigineqarpoq, naatsorsueqqittoqartassasoq, maannakkorpiaq aningaasarsiat 5 pct.-imik allanngoraangata, 10 pct.-iuningitsoq, siunnersuummi tusarniaatitut nassiuunneqartumi allassimasutut. Killiliussaq 10 pct.-inut inissinneqarpat, assersuutigalugu inoqutigiinni 250.000 kr.-nik ataatsimut maannakkorpiaq aningaasarsiaqartuni 25.000 kr.-t sinnerlugit ilanngarlugilluunniit allanngoraangata naatsorsueqqinnej aatsaat pisassaaq. Aningaasarsiani taama annertutigisumik allanngortoqarpat, isumaginninnikkut tapiissutini tiguneqartuni aamma annertuumik allannguisoqassaaq. Pisumi aningaasarsiat

appariarneranni inoqutigiinnut artornarsinnaavoq 24.999 kr.-nik appariarfjuniissa, aningaasarsiat naatsorsoqqinnejarnissaata tungaanut. Pisuni aningaasarsiat ineriarfjanni tulluartuusorinanngissinnaavoq tapiissutinik, malittarisassat nalinginnaasut naapertorlugit inoqutigii pissarsiarisinnaasaat sinnerlugit tunniussisoqartassappat. 5 pct.-imik killiliisoqarnerani pissutsit tamakku eqqarsaatigineqarnerussapput.

IIAN-ip siunnersuutigaa, inatsimmi oqaasertaliussaq allanngortinneqassasoq kiisalu "ilimagineqartut" peerneqassasoq.

"Ukiup aningaasarsiaqarfiup sinnera" pillugu oqaasertaliussamut qulaani oqaaseqaatinut innersuussisoqarpoq.

IIAN-imut paasinaruunngilaq "tamakkiisutut" sumut innersuussutaanersoq.

"Tamakkiisutut" siunnersummit pisariaqanngitsutut peerneqarpoq.

IIAN-ip inassutigaa, pisoq innuttaasoq, tapersiissutinik assigiinngitsunik arlalinnik tigusisartoq, ima inisisimalersinnaasoq, tapersiissutit taakku assigiinngitsut maannakkorpiaq aningaasarsiat assigiinngitsut tunngavigalugit naatsorsorneqarsinnaaneri, aamma innuttaasup pineqartup aningaasarsiai naatsorsuinermi tunngavittut ilaagaluartut iliuuseqarfigineqarnissaa isumaliutersuutigineqassasoq. IIAN-ip aaqqiissutissatut siunnersuutaasinnaasoq eqqartorpa, taassuma pitsaaqtai akornutaalu isumaliutersuutigineqassasut IIAN isumaqarpoq.

Ilumoorpoq, innuttaasoq piffissani assigiinngitsuni isumaginninnikkut tapersiissutinik assigiinngitsunik qinnuteqarsimappat, isumaginninnikkut tapersiissutit annertussusii pineqartup tigusartagai piffissani assigiinngitsuni allanngortinneqartartut il. il., ima pisoqarsinnaalluni, isumaginninnikkut tapersiissutit assigiinngitsut maannakkorpiaq aningaasarsiat assigiinngitsut tunngavigalugit naatsorsorneqartarlutik. Maannakkorpiaq paasissutissanik pigisaqartoqanngilaq, tamanna qanoq akulikitsigisumik pisarnersoq kiisalu pisoqartarnersoq, innuttaasunik naammaginanngitsumik imaluunniit tulluanngitsumik sullissinermik. IIAN-ip ajornartorsiutit tikkuagai pillugit, naalakkersuisoqarfiit akornanni suleqatigiissitanik imminut pilersornerulernissamik isiginninnissamut pilersinneqartunik ilanngussisoqassasoq tulluassaaq. Suleqatigiissitat, paasineqarpal, ajornartorsiut innuttaasunut ajoquaasoq pineqartoq, ilaatigut isumaliutersuutigissavaat aaqqiissutaasinnaasut assigiinngitsut pitsaaqtaat akornutaallu.

Tusarniaavigisat allat siunnersummut allanik oqaaseqaateqanngillat.

Aalajangersakkanut ataasiakkaanut oqaaseqaatit

Nr. 1-imut (§6)

Pisut ilaanni inuup aningaasarsiatigut atugai piffissap sivikitsuinnaap ingerlanerani allannguiteqartarput. Tamatumani assersuutigineqarsinnaavoq ilinniagaqartoq ilinniarnerminik naammassinnippat atorfqalerpallu imaluunniit sulisartoq pensionisiaqalerniarluni suliffimminit soraarpat imaluunniit pineqartoq napparsimaneq tassanngaannartumilluunniit pilersumik ajoquserluni piffissami sivikinnerusumi sivisunerusumiluunniit sulisinnaajunnaarpat.

Aalajangersakkut pisortat pisussaaffilerneqarput aningaasarsiat 5 procentimik amerlanernilluunniit allannguiteqartussatut naatsorsuutigineqarpata maanna aningaasarsiaasa nutaamik naatsorsornissaannut. Naatsorsuinermi maannakkorpiaq aningaasarsiat, aalajangiinermut atatillugu tunngavagineqartut aamma ukiup aningaasarsiaqarfuiup sinnerani maannakkorpiaq aningaasarsiaassatut naatsorsuutigineqartut assersunneqassapput.

Immikkoortuni, inoqutigiit maannakkorpiaq aningaasarsiai aallaavigalugit tapiissutinik tunniussisarfiusuni il. il. , inoqutigiit maannakkorpiaq aningaasarsiai 5 procentimik annertunerusumilluunniit allanngorpata naatsorsueqqittoqassaaq. Immikkoortuni, inuup pineqartup maannakkorpiaq aningaasarsiai aallaavigalugit tapiissutinik tunniussisarfiusuni il. il. , inuup maannakkorpiaq aningaasarsiai 5 procentimik annertunerusumilluunniit allanngorpata naatsorsueqqittoqassaaq.

Inuup qaammammi ataatsimi marlunniliuunniit aningaasarsiaasa nikerarerat pineqartut aningaasaqarnikkut atugaasa sivisunerusumik allannguiteqarnerannut takussutissaanersoq pisortat tamatigut siumut maluginiarsinnaanngilaat. Taamaalillunilu sivisumik allannguiteqartoqartooq pisortat tunngavissalimmik pasitsaappassuk imaluunniit inuk oqartussaasunut aningaasarsiaami 5 procentimik amerlanernilluunniit allanngornissaannik paasissutissanik pissarsiviusumik saaffiginnippat pisortat inuup maannakkut aningaasarsiaanik taamaallaat naatsorsueqqittalissapput.

Inuup maannakkut aningaasarsiaanik nutaamik naatsorsuisoqarpat tamanna tapiissutinik, isumaginninnermi tunniuttakkanik tunniuttakkalluunniit annertussusissaannik aalajangersaanermi tunngavagineqassaaq.